

يادىما سن دوشورسن

گونش اتكلرينى يىغىر اولدوزلار يانير
اوقوقون قوجاغينا نور پيالە جالانير
كوچەلردە سرگردان گيجەلن كۆلگە كىمى
بورلاغانلار قوينوندا گۆرەندە اورە گىمى
يادىما سن دوشورسن

قولاغىما جالانير ، آخىر غملى سۆزلرين
طالعىمە تىكىلير او نگران گۆزلرين
وفالى خيالين لا من اوز - اوزە دوراندا
فيكىرلر قاناديندا بير آن تىك او توراندا
يادىما سن دوشورسن

گوزگومدە پنجرەمدە هر بير شى سندن دئير
گزدىگىمىز كوچەلر سنى مندن ايستە بير
ايندى مندن كوسوبلر آغاجلاردا يوللاردا
باشىمىزا ياغيشان او يناق ياغيش دا قاردا
يادىما سن دوشورسن

سنى اونودوم دئە يوخولارا قاچىرام
دئمك سنى گۆرمگە بير پنجرە آچىرام
گاه ايليشير گۆزلريم بير غملى خاطرە يە
گۆزلرىمى يومورام سنى اونودوم دئە
يادىما سن دوشورسن